

Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SVMMO PON=||TIFICE,|| QVINQVE LIRBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

VIII. Idem probatur exemplis.

[urn:nbn:de:hbz:466:1-53860](https://nbn-resolving.de/urn:nbn:de:hbz:466:1-53860)

tus vendat, Ecclesias diripiatur, &c. Ergo poterit pastor Ecclesie cum recludere, vel redigere in ordinem ouium.

TERTIVM argumentum est, potest pastor, ac debet omnes oues ita pascere, ut eis conuenit: Ergo potest ac debet Pontifex omnibus Christianis ea iubere, atque ad ea cogere, ad quæ quilibet eorum, secundum statum suum, tenetur, id est, singulos cogere, ut eo modo Deo seruant, quo secundum statum suum debent: debent autem Reges Deo seruire defendendo Ecclesiam, puniendoque haereticos & schismaticos, ut Augustinus docet in epist. 50. ad Bonifacium, Leo ep. 75. ad Leonem Augustum, & Gregorius lib. 2. epist. 61. ad Mauritium: Ergo potest, ac debet Regibus iubere, ut hoc faciant, & nisi fecerint, etiam cogere per excommunicationem, aliasque commodas rationes. Vide plura apud Nicolaum Sanderum lib. 2. cap. 4. de visibili Monarchia, vbi etiam multa ex iis, quæ diximus, inuenies.

CAPVT VIII.

Idem probatur exemplis.

NUNC ad exempla veniamus. PRIMVM est 2. Paralyp. 26. vbi legimus, Oziam Regem, cum Sacerdotum officium usurparer, a Pontifice fuisse de templo electum, & cum propter idem peccatum lepra a Deo percussus fuisse, coactum etiam fuisse ex urbe discedere, & regnum filio renunciare. Quodenim non sponsa sua, sed ex sententia Sacerdotis urbe, & regni administratione priuatus fuerit, patet; nam legimus Levitici 13. *Quicunque inquit Lex, maculatus fuerit lepra, & separatus est ad arbitrium Sacerdotis, solus habitabit extra castra.* Cum ergo haec fuerit lex in Israël, & simul legamus 2. Paralyp. 26. Regem habitasse extra urbem in domo solitaria, & filium eius in urbe iudicasse populum terræ, cogimur dicere, fuisse eum ad arbitrium Sacerdotis separatum, & consequenter regnandi auctoritate priuatum. Si ergo propter lepram corporalem poterat Sacerdos olim Regem iudicare, & regno priuare, quare id non poterit modò propter lepram spiritualem, id est, propter heresim, quæ per lepram figurabatur, ut Augustinus do-

cet in quæstionibus Euangel. lib. 2. quæst. 40. præsen*tim*
1. Corinth. 10. Paulus dicat, contigisse Iudæis omnia iug-
ra?

S E C U N D U M est 2. Paralip. 23. ubi cum Athalia regna*m*
occupasset regnum, & foueret cultum Baal, Ioiada leuis
yocauit centuriones & milites, & iussit eis, ut Athaliam
ficerent, quod & fecerunt: & pro ea Ioas Regem creauit.
enim Pontifex non suaserit, sed iusterit, pater ex illis
4. Reg. 11. Et fecerunt centuriones iuxta omnia, quæ
præ*rat* eis Ioiada Sacerdos. Item ex illis 2. Paralip. 23. Egrediu-
tem Ioiada Pontifex ad centuriones & principes extenu-
dixit eis; Educite eam (Athaliam Reginam) extra septem-
pli, & interficiatur foris gladio. Quod autem causâ bona
depositionis & occisionis Athaliæ non solum tyrannus es-
fuerit, sed etiam quod foueret cultum Baal, pater ex illis
bis, quæ ponuntur immediate post eius occisionem: hu-
que, inquit Scriptura, ingressus est omnis populus domum be-
al, & destruxerunt eam, & altaria, & simulacra illa*m*
frigerant: Marhan quoque Sacerdotem Baal interficerunt
ante aras.

T E R T I U M exemplum est B. A M B R O S I I, qui cum Epis-
copus esset Mediolanensis, & proinde pastor & pater spiritualis Theodosij Imperatoris, qui Mediolani sedem suam or-
dinariè tenebat, primùm excommunicavit eum propter ca-
dem, quām Thessalonicae a militibus fieri imperaverat de-
de præcepit ei, ut legem ferret, ne sententiæ latæ de cade, vel
bonorum publicatione, ratæ essent, nisi post triginta dies
sententiæ pronunciatione, ut nimirum, si quid per iracudiam
præcipitanter dictasset, intra tot dierum spatum reuece-
posset. Scribit hoc Theodoretus lib. hist. 5. cap. 17. Atqui non
potuit Ambrosius excommunicare Theodosium propter
cadem illam, nisi prius causam illam cognouisset, & diudi-
casset, licet criminalis esset, & ad forum externum pene-
ret: non potuit autem cognoscere, & iudicare eiusmodi cau-
sam: nisi etiam in foro externo legitimus iudex Theodosii fu-
isset.

Præterea, cogere Imperatorem ad legem politicam fer-
dam, & præscribere ei formam legis; nonne manifeste olte-
dit, posse Episcopū interdum temporali potestate vi, etiam

in eos, qui potestatem super alios acceperunt? et si Episcopus quilibet id potest, quanto magis Princeps Episcoporum?

QUARTVM est GREGORII. in priuilegio, quod concessit monasterio S. Medardi, & habetur in fine epistolarum: *Si quis, inquit, Regum, Antistitum, Iudicium, vel quarumcumque secularum personarum, huius Apostolice auctoritatis, & nostra praeceptionis decreta violauerit, cuiuscumque dignitatis, vel sublimitatis sit, honore suo priuetur.*

QVINTVM est GREGORII. qui Leoni Imperatori I-
conomacho à se excommunicato prohibuit vettigalia solui
ab Italies, & proinde mulctauit eum parte imperij. Patentur id
Magdeburgenses Centur. 8. cap. 10. in vita Gregorij II. sed re-
prehendunt, Gregoriumque proditionem suæ ipsius patriæ fu-
isse dicunt. At nullum proferunt scriptorem, qui factum hoc
Gregorij vituperet, cum nos è contrario habeamus multos,
qui laudauerunt ut sanctum, & legitimum, nimirum, Cedre-
num, Zonaram, in vita Leonis Isauri, & omnes alias histori-
cos, qui res gestas horum temporum conscripserunt.

SEXTVM est ZACHARIAE, qui rogatus à Primoribus
Francorum, Chilericum depositus, & in eius locum Pipinum
Caroli Magni patrem, Regem creari iussit. Cuius causa fuit,
quia propter socordiam Chilericici, & religioni, & regno in
Gallia extrema ruina imminere videbatur, ut patet ex Cedre-
no in vita Leonis Isauri, Paulo diacono lib. 6. cap. 5. de gestis
Longobardorum, & S. Bonifacio Episcopo Moguntino in e-
pistola ad Zacharium.

Hoc etiam factum hæretici agnoscent, & reprehendunt,
ut Magdeburgenses Cent. 8. cap. 10. vbi dicunt, Zacharium
Papam quasi diuinam auctoritatem sibi protetuè assumpsi-
se. At nec huius facti ullum inuenire potuerunt in antiquis
Scriptoribus reprehensorem: nos autem plurimos habemus
approbatores, nimirum Adonem, Sigebertum, Reginonem
in Chronicis; sed de hac rediximus plura contra Caluinum
in secundo libro, cap. 17.

SEPTIMVM exemplum est LEONIS III. qui imperium
transfult à Græcis ad Germanos, propterea quod Græci nul-
lum auxilium laborati Ecclesiæ Occidentali adferre possent.
Ex quo factū est, ut licet imperatoria dignitas absolute con-
fiderata nō sit à Pontifice, sed à Deo mediante iure Gentium,

vt suprà ostendimus ex Gelasio, Nicolao, & Innocentio III. tamen Imperatores, qui fuerunt à tempore Caroli Magni, Pontifici debeant suum imperium.

Quòd enim hæc potestas sit nunc apud Germanos, pontifice est: & licet absolutè non esset necessarium, ut Papus confirmaret Imperatorem, nec ut Imperator Pontifici iuramentum fidelitatis præstaret: tamen à tempore translati imperij in Germanos, vtrumque requiritur, ut patet ex Innocentio III. cap. Venerabilem, extra de electione, & ex Clemencia unica, de iure iurando. neque iniustè hoc requiritur. Quia potuit imperium Germanis conferre, propter Ecclesiastem, potuit etiam certas conditiones adiungere, propter eamdem causam, ne videlicet contingenter hereticum, vel hereticum creari.

Ad hoc exemplum duplice responderunt aduersarij, nam alij negant rectè factū, ut Pontifex imperium à Græcis ferret in Germanos; & in hoc numero sunt Magdeburgensis qui Cent. 8. cap. 10. col. 751. sic aiunt: *Est hac translatione populum ex miraculis Antichristi.* Theodorus quoque bibliander tabula 10. suæ Chronologiæ dicit, Leonem III. auctoritate, imperium à Græcis ad Germanos transire. Alij verò afferunt, factum quidem iure, sed auctorem translationis non Pontificem, sed populum fuisse Romanum. In Marsilius de Padua, referente Pighio lib. 5. hierarch. Ecclesiasticæ, cap. 14.

Ad PRIMOS respondeo, hanc translationem rite & legittimè factam fuisse, aperte cōstare. PRIMO, ex confessiōnē orbis Christiani: semper enim omnes Christiani pro veris Imperatoribus habuerunt Carolum Magnum, eiusque successores: nec fuit vñquam ullus Rex Christianus, qui Imperatorem præcedere voluerit, tametsi eum alioqui potentia, & regni antiquitate anteiret. Primi sunt Lutherani, qui sicut populum fide & religione spoliauerunt, ita quoque Imperacionem suum de sede sua deturbare moluntur. SECUNDO, exibit euentu huius translationis. Ut enim Deus ostenderetur factum fuisse, multis victoriis Carolū ornauit, regnumque eius florentissimum, & Ecclesiæ utilissimum esse fecit. TERTIO, ex confessione Imperatorum Græcorum, qui non semel confessi sunt, Romanum Pontificem iure potuisse facere, quod fecerunt.

fecit. Nam in primis cum audisset Irene Imperatrix, Carolum a Leone appellatum Imperatorem, non solum non reclamauit, sed etiam Carolo nubere voluit, & fecisset, nisi perfidi quidam Eunuchi impeditissent, ut scribunt Zonaras, & Cedrenus in vita eiusdem Irenæ.

Deinde, mortua Irena, Nicephorus Imperator, qui ei successerat, Legatos ad Carolum, tanquam Imperatorem, misit, ut scribit Ado in Chronico anni DCCC. III. & paulò post defuncto Nicephoro, Michaël ei succedens, similiter Legatos ad Carolum misit, qui eum Imperatorem palam salutauerūt, ut scribit idem Ado in Chronico anni DCCC.X. Nec solum Græci, sed etiam Persæ Legatos & munera ad Imperatorem Carolum recens creatum miserunt, ut scribunt Regino li. 2. & Otho Frisingensis lib. 5. cap. 31. rursum (ut scribit Blondus lib. 5. decadis 2. & Platina in vita Alexandri III.) Imperator Græcorum Emmanuel, cum audisset Pontificem Alexandrum III. ab Imperatore Friderico in extremas redactum angustias, eidem Pontifici obtulit auxilium, & pecuniarum ingentem vim, si vellet imperium Occidentis, Constantinopolitanis Imperatoribus reddere: respondit autem Pontifex, nolle se ea coniungere, quæ maiores sui de industria, & optima ratione diuisissent. Vbi NOTANDVM est, Emmanuel non voluisse aliud à Pontifice, quam titulum imperij. Satis enim sciebat, possessionem ipsam à Pontifice dari non potuisse, sed fuisse armis acquirendam: non autem solum titulum tanto pretio emere voluisse, si eum inanem, vel etiam falsum, & illegitimum esse credidisset.

AD ALIOS, qui dicunt, auctorem translationis non Pontificem, sed populum Romanum fuisse, facile est respondere; nam in primis populus Romanus nunquam ferè habuit Imperatoris creandi potestatem: sed antiqui Imperatores, vel iure hereditario habuerunt imperium, ut Octavianus, Tyberius, Caius; vel ab exercitu creabantur, ut creatus fuit Claudius, Vespasianus, & alij. Et fuisse hanc ordinariam consuetudinem, ut Imperator ab exercitu crearetur, testatur B. Hieronymus epistola ad Euagrium. Vnde exstat Canon Legimus, dist. 93. Tempore autem CAROLI Magni, nullus fuit exercitus Romanorum, qui eum Imperatorem creare potuerit. Soli enim in Italia erant exercitus Græcorum & Longobardorum,

rum, & iij omnes Carolo infensi. nec iure hæreditatio Carolus imperium habuit, ut patet.

D E I N D E, si quam habuerunt Romani in Imperatore eligendo auctoritatem, eam certè amiserunt; quando imperij sedes Constantinopolim translata fuit. Nam deinceps per annos circiter D. hoc est, à Constantino Magno, vique ad Carolum Magnum, nihil unquam egit Senatus, populusque Romanus circa Imperatorum creationem.

P R A E T E R E A, auctores omnes, qui de hac re scribunt, et Zonaras, & Cedrenus in vita Irenæ, Paulus Diaconus in Historia rerum Romanarum, Ado in Chronico anni DCCC. Albericus Kranzius in Metropoli lib. 1. cap. 14. Otho Frisingensis lib. 5. ca. 31. Marianus Scotus, Hermannus Contractus, Lambertus, Siegbertus, Regino, Palmerius, Blondus, omnesque alij Chronologi, vel Historici, Leonem III. asserunt imperium à Gracis in Francos, seu Germanos transfusisse. Quod idem docet Innocentius III. cap. Venerabilem, de electione.

Ad eos, inquit, ius est potestas huiusmodi ab Apostolicas sedis peruenit, qua Romanum imperium in persona magnifici Caroli à Gracis transfusit in Germanos. Et ibidem subiungit, Principes Germaniae id aperte recognoscere. Ipse enim Carolus Magnus idem non obscurè significavit, cum scriptum à se testamentum, quo filios suos hæredes imperij relinquebat, misit ad Leonem Papam, ut subscriptione sua firmaret, ut scribit Ado in Chronico anni DCCC. IV. Denique idem patet ex confessione Emanuelis Græci Imperatoris, ut supra est annotatum.

O C T A V U M exemplum est GREGORII V. qui sancti-
nem edidit de Imperatore eligendo per septem Germanicæ
Principes: quæ usq; ad hanc diem seruatur. Quod ita esse, pre-
ter Blondum decade 2. lib. 3. Nauclerum gener. 34. Platinam
in vita Gregorij V. aliosq; multos historicos, asserunt etiam
Magdeburgenses Cent. 10. ca. 10. col. 546. his verbis: *Gregorius
suam patriam insigni aliqua dignitate ornaturus, sicut et
penes solos Germanos ius esset eligendi Regem, quippe dia-
dema à Romano Pontifice acceptum Imperator, et Augustus
appellaretur. Suntque electores constituti, Moguntinus, Trevi-
ensis, et Coloniensis Archiepiscopi, Marchio Brandenburgensis,
comes Palatinus Rheni, Saxonia Dux, et Rex Boemiae. Virum
autem*

autem iure Pontifex id fecerit, non aperiunt. Sed si velint, iure id factum, fateri cogentur Pontificem esse Imperatorem & Principibus omnibus superiorem, ut patet: si vero dicant non iure, sed tyrannicè, iniuriam facient suis patronis, & protektoribus, nimis Duci Saxoniæ, Comiti Palatino, & Marchioni Brandenburgensi. Quid enim isti habent maius, quam electorum? at non iure habent, si is qui dedit, dare non potest. Dedisse autem Pontificem, extra controvësiam est.

Est autem hic annotandum, Onuphrium in lib. de comitiis imperialibus, contra communem historicorum sententiam scripsisse, sanctionem hanc de electione Imperatoris, non Gregorij V. sed Gregorij X. fuisse. Quod etsi ei rei, de qua nunc agimus, non nocet, tamē existimo non esse verum. Nam Innocentius III. qui sedidit ante Gregorium X. annis LXX. in illo cap. Venerabilem, de electione, indicat iam dudum è sede Apostolica concessum certis principibus Germaniæ ius eligendi Imperatorem; & Henricus Hostiensis, qui etiam ante Gregorij X. tempora floruit, in commentario huius capituli dicit, Innocentium loqui de septem electoribus. Et Pelagius Aluarus, qui vixit paulo post tempora Gregorij X. ita ut ipsius memoria factum sit quidquid Gregorius X. egit, tamē lib. I. art. 41. de planctu Ecclesiæ, affirmat a Gregorio V. institutam Imperatoris electionem, quæ nunc in vslu est, & enumerat ibidem septem electores, quos suprà nominauimus.

NON VNM exemplum est Gregorij VII. qui Henricum IV. imperatorem depositum, & alium eligi iussit, quod & factum est, ut ipsi etiam Magdeburgenses fatentur Cent. II. cap. 10 in vita Gregorij VII. rectè autem factum hoc fuisse, & cum approbatione, & plausu omnium bonorum, in libro superiore ostendimus, vbi Pontifices aliquot à calumniis hæreticorum vindicauimus.

DECIMVM exemplum est INNOCENTII III. qui Othonem IV. similiter depositum, ut patet ex Blondo, decade 2. lib. 6.

VNDÉCIMVM est INNOCENTII IV. qui in Concilio generali Lugdunensi, consentientibus vniuersis Patribus, depositum Fridericū II. & vacavit tunc imperium annis XXVII. ut Matthæus Palmerius in Chronico annotauit. Exstat adhuc tota sententia in Fridericum lata, cap. ad Apostolicæ, de senten-

sententia & re iudicata, in sexto. Idem etiam Innocentius IV. dedit Regi Lusitanię coadiutorem quendam, qui regnum administraret; quandoquidem regis negligentia & res publica, & religio in Lusitania detrimentum patiebatur. Id habetur cap. Grandi, de supplenda negligentia prælatorum, in libro.

De VerO Dicitur Eccl Iusti Ver est Clementis VIth, qui Ludovicum VIth, imperatorem à Ioanne XXIIth, & Benedicto XIIth, excommunicatum deposituit. Cuius historiam vide apud Pighium lib. hierar. Eccles. 5. cap. 14. & 15. & apud Robertum Arboricen-
sem tomo 2. theoremate 7. de virtute gladio.

Argumenta aduersariorum partim soluta sunt in 2. lib. de Pontifice, partim ex dictis nullo negotio solvi possunt. Vide Ioannem de Turrecremata lib. 2. summæ, cap. vlt. & penulti-
mo, & Albertum Pighium lib. 5. cap. 15. qui soluunt argumen-
ta quædam, sed leuia, ac facilia.

C A P V T I X.

Non pugnare cum verbo Dei, ut unus homo sit princeps Ecclesiasticus & politicus simul.

VerANTVM ad terram partem quæstionis, quoniam aduersarij, duo quædam docent de tempora-
li principatu summi Pontificis, quem habet:
Primo, esse possessionem mero latrocino oc-
cupatam; **Secondo**, etiamsi iusto titulo eum haberet, non
posse illum iure retinere, quod pugnet cum principatu spi-
rituali. Ita CALVINVS lib. 4. Instit. cap. II. §. 8. & II. Oportet
nos probare utrumque, nimis posse Pontifici conuenire
eiusmodi principatum, & re ipsa iuste habere & possidere,
quod habet & possidet.

Igitur quod non repugnet, Pontificem simul esse prin-
cipem spiritualem, & temporalem alicuius prouinciae, perha-
bitur **Primo** exemplis Sanctorum, qui inueniuntur reges &
principes fuisse. Nam in lege naturæ Melchisedech fuit Rex
& Pontifex, ut patet ex Gen. 14. & Hebr. 7. immò etiam olim
semper primogenitus, Rex & Pontifex erat, ut B. Hieronymus
docet in quæstionibus Hebraicis in illud Gen. 49. *Ruben pri-
mogenitus meus*. Constat quoq; Noé, Abraham, Isaac, Jacob;

piz.